

始自今年每年交易附貢調使進施藥院其直并運賃料同用正稅者今得施藥院解僭院中雜事觸類繁多而重行賻物不堪兼攝者正三位行中納言兼右近衛大將春宮大夫良峯朝臣安世宣奉勅宜始自來年令收穀倉院

天長四年六月五日○又見政事要略

〔續日本後紀仁明〕承和三年五月甲子左大臣正二位藤原朝臣緒嗣○中略等上表言○中略故左大臣贈正一位藤原朝臣冬嗣情深謙挹義貴能施遂乃折割食封千戶貯收施藥勸學兩院藤原氏諸親絕乏者同氏子弟勸學之輩量班與之

〔政事要略七十雜事〕出棄病人及小兒事○中略

延臨格云應令左右看督近衛等每旬巡檢施藥院并東西悲田病者孤子多少有無安否等事右施藥院奏狀僭院并東西悲田三所收養病者孤子其數不少病者差宛預及雜使等令勞治孤子亦差宛預及雜使乳母養母等令視養院司常加巡檢然預以下人等未必其人屢加勸戒猶多懈怠恐徒費永食存活者寡望請令看督近衛等每旬分番巡檢三所察其多少問其安否預以下之人若有闕怠重令勸當其巡檢之日錄病者孤子數付院司令知之亦其寒溫不適衣食無給者令責院司謹請處分者右大臣宣奉勅依請事須看督近衛等巡檢京中之日有見路邊病者隨便令取送院并東西悲田又大藏宮內兩省所宛綿及古弊帖疊等施藥院司請納之後與彼院司共相知頒給三所病者孤子等莫致疎略

寬平八年閏正月十七日

延命院

〔三代實錄清和〕貞觀元年二月十一日丁酉右大臣從二位兼行左近衛大將藤原朝臣良相奏請以私第一區建崇親院安置藤原氏無居宅者便隸施藥院厥所須付物令施藥院司掌之又建延命院便隸勸學院安置藤原氏有病患者詔從之

私人施藥

〔本朝醫考中〕藥師寺圓俊高定和尚